

欽定大清會典事例

欽定大清會典事例卷三十四

吏部

滿洲銓選

各衙門留缺

保舉

部院宗室司員借

分部人員分別應

清漢字

否學習

分缺

科甲出身知縣

議官

製籤

改補

清漢字

各衙門留缺

○雍正十三年議准

各衙門留缺○雍正十三年議准各部院滿漢

郎中以下等官員缺例應題補者務於每月三

十日截限以前將所題之人咨部查明是否合

例並知照各該科道以便稽查其保奏人員亦

應定於次月截限以前即行保奏如所題之人

遇有出差事故亦於截限以前即行咨部歸於

月分銓選。儻已過截限之期。始行咨留者。一概不准題補。或留缺之後。又復輾轉遲延。逾限不能題補。一經查出。叅奏。將該堂官交部察議。○乾隆四年議准。凡奉

旨交部補用。及奏明留部題補者。無論應題不應題之缺。由該堂官酌量奏請補用。○九年題准。各部滿漢司官員缺。近日保題者多。歸選者少。致令應升及候補候選之人。多致壅滯。於銓法未為平允。應令各部院堂官。覈明各司辦理事宜。定為題缺註冊。各按缺底保題。刑部向例遇有

缺出。咨一留一。所題缺數未免過多。嗣後滿漢司官員缺。如有三缺。准其咨二留一。其例應保題之滿漢各官。仍照舊例於截限以前。將所題之人合例與否。行文到部。查覈咨覆後。聽該衙門自行引。

見補授。僅保題無人。仍咨部歸入月分銓選。○十三年覆准。滿司官照漢司官一例分司定額。其有蒙古司官者。亦令該堂官一併酌覈分派。自分定之後。止須該堂官量材更調。不得更有增減。○二十五年議准。刑部滿漢司員缺出。定例咨

二留一其應留之缺。上次留滿。下次留漢。分缺
閒留。應留之缺。一時不能按次扣留。必須通融
題補。准該堂官據實奏明辦理。如保題無人。仍
咨吏部銓選。○四十二年奏准。理藩院滿洲郎
中。滿洲蒙古員外郎。如有三缺。一缺留題。二缺
咨選。仍分別郎中員外郎。滿洲蒙古。各積各缺
計算。○五十六年奏准。各部院衙門題選缺分。
皆有定額。部選之缺。不准違例奏請題升。如有
藉詞妄行陳奏者。吏部將該堂官請

旨交部議處。○嘉慶六年議准。刑部司員各缺。仍照

舊例。如有三缺。二咨吏部銓選。一留本部保題。應留之缺。嗣後定例。郎中一次。員外郎一次。主事一次。輪流相間留題。滿缺與滿缺。自為積算。不得牽連漢缺。如遇應留郎中。適無郎中之缺。准其於員外郎主事內。酌留一缺。下次仍留郎中。○九年

諭。京察為激揚大典。各部院堂官保送一等筆帖式。自必將平日當差勤慎繙譯通順者。遴選保送。引見後。除記名升用外。其未經記名。准列一等加級。仍在原衙門行走者。遇有本衙門題升保送差使。著先儘一

等人員。如一等無人。方准二等人員題升。○又議定。各部院衙門。自郎中以下等官。俱照漢司員之例。一體分司定額。止許該堂官量材更調。不得更有增減。其吏部文選考功兩司。專司銓選處分。職掌緊要。事務殷繁。文選司酌定郎中二員。員外郎一員。主事一員。考功司酌定郎中一員。員外郎二員。主事一員。定為題缺。戶部陝西雲南山東福建四司。各定郎中一員。員外郎一員。江南廣東廣西貴州四司。各定員外郎一員。主事一員。禮部儀制司酌定員外郎一員。主事一

員。祠祭司酌定郎中一員。員外郎一員。主事一員。兵部武選職方兩司。各定郎中一員。員外郎二員。主事一員。工部營繕司酌定郎中二員。員外郎二員。主事一員。都水司酌定郎中一員。員外郎二員。主事二員。理藩院衙門酌定蒙古郎中二員。滿洲司主事二員。蒙古司主事二員。均定為題缺。各按缺底。令各該堂官揀選題補。其理藩院滿洲郎中。滿洲蒙古員外郎。如有三缺一缺留題。二缺咨選。仍分別郎中員外郎滿洲蒙古各積各缺計算。再理藩院滿洲蒙古均有

額設題署主事。遇有滿洲蒙古題缺主事缺出。先由題署內揀選題升。題署主事缺出。先儘京察一等筆帖式內咨部查覈。至刑部所屬各司。事務均屬殷繁。准該堂官酌量保題。如有三缺。二咨吏部銓選。一留本部保題。其應咨二缺內。酌量一缺。奏補本衙門候補人員。仍積咨缺之數。如候補無人。均咨吏部銓選。應行過班。不得因上次已送過二次。下屆聲明扣算。至應留之缺。定為郎中一次。員外郎一次。主事一次。輪流相間留題。滿洲員缺。不得牽連漢缺積算。如應

留郎中時。適無郎中之缺。准其於員外郎主事內酌留一缺。下次仍留郎中。光祿寺大官署。珍饈署。滿洲署。正二缺。亦准作為題缺。以上各衙門應題缺出。先儘京察一等人員題升。如一等無人。再由二等人員內揀選。如主事任內京察一等題升員外郎者。其一等之處。已邀升用。遇有郎中缺出。不得再行先儘題升。由京察一等筆帖式題升主事者。遇有員外郎缺出。亦不得先儘題升。其由京察一等記名同知通判等官之員。遇有題升主事缺出。仍准先儘題升。不得

因該員等業已記名外用。即行扣除。如一等無人。將二等人員揀選。照保送京察之例。在本衙門實歷俸三年者。准其題升。如將年分不符之員查覈。即行咨駁。其六部蒙古司員。為數無多。有曾經保列京察。准作一等者。遇有應升缺出。准該堂官酌量指名保題。再各衙門保題司員。務於每月三十日截缺以前。將員缺扣留。及題補之人。擬定正陪。一併咨部查覈。並知照各科道。以便稽查。不合例者。駁回另行揀選。合例者。該堂官即行保奏。將所出之缺。應行題補之處。

於摺內詳細聲明帶領引

見請

旨補授如無可保之人仍咨部銓選其有已過截缺之期再行咨留者概不准題補至所題之人未經引

見遇有出差事故仍准該堂官咨明另行保題如不得人咨送銓選儻有保題遲延以及蒙混保奏者經吏部與稽察之科道糾叅將該堂官議處又理藩院差務繁多辦事需員其滿洲蒙古員外郎以下遇有出差推升得缺者無論題選之

缺一經掣籤。即行開缺。移咨該院。分別查辦。其擬升之員。仍照本身原銜食俸。俟差滿回京之日。照例補行引。

見其有奉

旨。交部補用。並奏明留部題補者。無論應題不應題之缺。仍准該堂官酌量奏請補用。○又奏准。滿洲主事。近年以來。各衙門候補者多。遇有應選主事缺出。全行扣補留部人員。現在

陵寢並

盛京主事期滿。日積漸多。未能依限調京。奉

旨以主事即用。並奉

旨以六部主事補用。以及各項即用主事。均無缺可補。而俸深應升人員。銓選更屬無期。向來漢主事有五缺截留之例。應仿照漢員之例。暫為調劑。除刑部仍照咨二留一之例辦理外。其吏戶禮兵工五部。理藩院。太僕寺。滿洲主事。各積各缺。不論奏補何項人員。總以留補四缺後。至第五缺截留歸選。各部院衙門蒙古主事。亦各計各缺。留補二次後。至第三次歸部銓選。○十六年議定。嗣後各衙門滿漢各官應題之缺。查覈

到部。吏部以堂到發司之日起限五日內具稿呈堂。堂官亦限五日內畫齊。扣滿十日行文。以杜趕壓。儻有不合例事故。例應駁查本衙門者。以後次到部之日起限。惟每年恭遇

啟鑒前後。封篆屆期。各衙門查覈到部在半月以前者。吏部即趕辦行文。毋庸拘定十日之限。以便帶領引

見。再各衙門於出缺之日起限十日內查覈過部。吏部按限查覈後。各衙門限十日內帶領引

見。前後統限二十日。仍於引

見後。將日期知照吏部。及稽察各衙門。查明有無往返。駁查日期。如有遲延。查取職名議處。○十九年定。各衙門保題司員。於每月三十日截缺前。將員缺扣留。及題補之人。擬定正陪。聲明京察等第。咨部查覈。並知照各科道。以便稽查。吏部於各衙門查覈到部。於十日內咨覆。吏部覆准後。該衙門帶領引。

見。如有與例未符。應先咨查者。其咨覆仍照舊例。以十五日為限。如將不合例人員查覈到部。例應駁查者。俟查覆到日。再行辦理。至保題人員。仍

令各該堂官將本缺應行保題緣由於摺內詳細聲明帶領引

見後即將引

見日期知照吏部及稽查各衙門所遺員缺有關銓選者不得過三十日截缺之期始行知照如有遲延照例議處○道光元年議准戶部河南湖廣二司滿洲主事俱改為題缺○二年議准禮部儀制司滿洲選缺郎中內改為題補一缺餘一缺仍歸部選○又定理藩院蒙古題缺郎中二缺增為三缺○六年奏准都察院都事經歷

各計各缺。相間題選。以一缺留用。本衙門保題。以一缺咨部銓選。如本衙門有候補人員。無論題選。仍應扣留補用。不積咨留之缺。○又奏准題升滿洲官員。如所題之員。未經引

見。適遇出差。令該堂官先期將員缺奏明。俟該員差竣回京。再行引

見。如所題之員。適有事故等項者。仍照例另行保題。○九年奏准滿洲蒙古部屬。遇應題缺出。有出各省試差。及該堂官帶往各省查辦事件者。均屬暫時出差。該堂官先期將員缺奏明。俟該員

差竣補行引

見此外各項久差。一年二年三年始行期滿者。遇本衙門應題之缺。俱准該堂官另行保題。○十六年議准。捐納分部之郎中員外郎主事等官。中式進士。如奉

旨以本衙門員缺即補者。止准以本項選缺先儘補用。不得奏補題缺。○又議准。工部營繕司。都水司。滿洲題缺員外郎各二員。均改爲一員。撥管鉛子庫。硝磺庫員外郎各一員。○十七年奏准。由部屬升補京堂科道人員。奉

旨仍回本任。除選缺仍准先行補用外。遇應題缺出。由該堂官察看才具。如堪勝任。即以題缺奏補。如才具中平。仍止以選缺先儘補用。○十八年議准刑部選缺郎中員外郎。各計各缺。遇咨選二缺內。以一缺留補本部候補人員。以一缺咨部銓選。不得儘數留補。如無奏留人員。或人缺不相值。均行歸選。不得將咨選之缺。奏請更改。○又奏准刑部直隸。江蘇。福建。山東。山西。五司。各定郎中一員。奉天。安徽。浙江。湖廣。河南。陝西。四川。廣東。八司。各定題缺員外郎一員。○又定。

軍機處行走章京。其郎中員外郎主事。如由該處保奏以無論題選咨留缺出儘先補用之員咨補者。概不積留咨之缺。○二十年議准。由外任改補京職人員。如奉

旨指明何衙門員缺補用者。令其先赴該衙門行走。遇選缺先儘補用。毋庸兼補題缺。○光緒十年議准。吏部文選司。酌定題缺郎中二員。員外郎主事各一員。選缺郎中員外郎各一員。蒙古郎中一員。考功司。酌定題缺郎中一員。員外郎二員。主事一員。選缺郎中二員。蒙古員外郎一員。

稽勳司選缺郎中一員。科甲員外郎一員。宗室
員外郎主事各一員。驗封司選缺郎中一員。員
外郎二員。主事一員。蒙古主事一員。滿檔房題
選堂主事各一員。漢檔房漢字堂主事二員。漢
軍堂主事一員。戶部陝西司題缺郎中員外郎
各一員。選缺員外郎二員。主事一員。蒙古郎中
一員。山東司題缺郎中員外郎各一員。選缺郎
中一員。員外郎二員。主事一員。福建司題缺郎
中員外郎各一員。選缺郎中一員。員外郎四員。
主事一員。蒙古主事一員。雲南司題缺郎中員

外郎各一員。選缺郎中一員。員外郎二員。主事一員。江南司。選缺郎中一員。員外郎二員。題缺員外郎主事各一員。廣西司。選缺郎中一員。員外郎二員。題缺員外郎主事各一員。宗室員外郎一員。貴州司。選缺郎中員外郎各一員。題缺員外郎主事各一員。科甲員外郎一員。廣東司。選缺郎中員外郎各一員。題缺員外郎主事各一員。宗室員外郎一員。湖廣司。選缺郎中員外郎各二員。題缺主事一員。浙江司。選缺郎中一員。員外郎二員。主事一員。山西司。選缺郎中員

外郎各一員。題缺主事一員。蒙古員外郎一員。
河南司。選缺郎中一員。員外郎二員。題缺主事
一員。江西司。選缺員外郎二員。主事一員。宗室
郎中一員。四川司。選缺郎中一員。員外郎二員。
主事一員。南檔房。題選堂主事各一員。北檔房。
漢字堂主事二員。漢軍堂主事二員。禮部儀制
司。題缺郎中員外郎主事各一員。選缺郎中員
外郎各一員。科甲員外郎一員。祠祭司。題缺郎
中員外郎主事各一員。選缺郎中一員。員外郎
二員。蒙古員外郎一員。主客司。選缺郎中員外

郎主事各一員。蒙古郎中一員。宗室員外郎一員。精膳司。選缺郎中一員。員外郎二員。蒙古主事一員。宗室主事一員。滿檔房題選堂主事各一員。漢檔房漢字堂主事一員。漢軍堂主事一員。兵部武選司。題缺郎中一員。員外郎二員。主事一員。選缺郎中員外郎各二員。蒙古郎中一員。職方司。題缺郎中員外郎主事各一員。選缺郎中四員。員外郎一員。蒙古員外郎主事各一員。車駕司。選缺郎中員外郎主事各一員。題缺員外郎一員。蒙古員外郎一員。宗室郎中員外

郎各一員。武庫司。選缺郎中二員。主事一員。蒙古員外郎一員。科甲員外郎一員。滿檔房題選堂主事各一員。漢檔房漢字堂主事二員。漢軍堂主事一員。刑部清檔房題缺堂主事二員。於各司題缺主事內調補漢檔房漢字堂主事三員。漢軍堂主事一員。直隸司題缺郎中一員。主事一員。選缺員外郎一員。蒙古員外郎一員。奉天司題缺員外郎主事各一員。蒙古郎中一員。江蘇司題缺郎中一員。選缺員外郎主事各一員。科甲員外郎一員。安徽司。選缺郎中一員。主事一員。題缺

員外郎一員。江西司。選缺郎中員外郎主事各一員。福建司。題缺郎中一員。選缺員外郎主事各一員。浙江司。選缺郎中一員。主事一員。題缺員外郎一員。湖廣司。題缺員外郎主事各一員。選缺員外郎一員。宗室郎中一員。河南司。選缺郎中員外郎主事各一員。題缺員外郎一員。山東司。題缺郎中一員。選缺員外郎二員。主事一員。山西司。題缺郎中一員。選缺員外郎一員。蒙古主事一員。陝西司。選缺郎中員外郎各一員。題缺員外郎主事各一員。四川司。選缺郎中一

員。題缺員外郎主事各一員。廣東司。選缺郎中
員外郎各一員。題缺員外郎主事各一員。廣西
司。選缺郎中一員。宗室員外郎主事各一員。雲
南。督捕兩司。各定選缺郎中員外郎主事各一
員。貴州司。選缺郎中員外郎各一員。題缺主事
一員。工部營繕司。題缺郎中二員。員外郎一員。
主事二員。選缺郎中二員。員外郎三員。蒙古郎
中主事各一員。都水司。題缺郎中員外郎各一
員。主事三員。選缺郎中四員。員外郎三員。主事
一員。屯田司。選缺郎中員外郎各四員。題選主

事各一員。科甲員外郎一員。宗室主事一員。虞衡司選缺郎中四員。員外郎三員。主事二員。題缺主事一員。蒙古員外郎一員。宗室員外郎一員。清檔房選缺堂主事二員。漢檔房漢字堂主事一員。漢軍堂主事一員。鉛子硝磺兩庫題缺員外郎各一員。其製造庫題缺郎中二員。節慎庫題缺員外郎一員。由本衙門現任郎中員外郎內揀選保題調補。○又定六部滿洲郎中員外郎。除宗室蒙古郎中員外郎主事及科甲員外郎漢字漢軍堂主事不計外。其餘選缺人員。

各積各缺以六缺為一周。第一缺留補。第二缺咨選。第三留補。第四咨選。第五留補。第六咨選。如留補無人。以題升之員抵補。仍積留補之缺。○又定各部院衙門滿洲選缺主事。各積各缺。定以留補四次。咨選一次。遇留補之缺。候補無人。即歸銓選。仍積留補之缺。蒙古主事。亦各積各缺。定以留補二次。咨選一次。遇留補之缺。候補無人。即歸銓選。不積留咨之缺。○又定理藩院蒙古題缺郎中三員。主事七員。選缺郎中五員。員外郎二十四員。主事四員。滿洲選缺郎中

三員。員外郎十一員。主事一員。題缺主事三員。宗室郎中員外郎各一員。漢軍堂主事一員。除宗室郎中員外郎漢軍堂主事不計外。遇滿洲選缺郎中滿蒙員外郎均以三缺為一周。留題一次。咨選二次。如遇咨選之缺。該院候補有人。准其扣留請補。先用勞績一人。次用資深一人。相間輪用。仍積咨選之缺。○又定。太僕寺滿洲蒙古選缺員外郎各二員。選缺主事各二員。○又定。光祿寺掌醢署良醢署署正二缺。係選缺。如有候補人員。准其扣留補用。○又定。各部院

郎中員外郎主事等官。遇應題及應行留題缺出。先將保舉無論題選咨留補用一員。再遇缺出。於應升人員內酌量揀選。先儘京察一等人員題升。如一等無人。或有人而另有事故。以及始勤終怠者。再於二等人員內揀選。○又定。選缺郎中員外郎。遇留補之缺。先用保舉無論題選咨留一人。不積留補之缺。次出之缺。作為留缺。先用勞績一人。按奉

旨日期先後補用。次用資深一人。相間輪用。輪用資深時。按其行走日期先後補用。仍積留補之缺。

輪用勞績時。先用遇缺即補。俟遇缺無人再用。

儘先之員。

原保遇缺即補四字不
全。即統歸儘先班內。

遇留題之缺。

先用無論題選咨留一人。不積留題之缺。次出
之缺。作為留題之缺。將應升人員揀選題升一
員。遇咨選之缺。先用無論題選咨留一人。如無
人。用無論咨留一人。均不積咨缺。次出之缺。咨
部銓選。○又定。保舉無論題選咨留之員。如係
專補選缺者。查其在本衙門行走未滿十年。止
准輪補咨留選缺。不得遽補題缺。及選缺中留
題之缺。俟扣滿行走十年後。方准題選通補。○

又定。由候補人員。保舉無論題選遇缺即補儘
先即補。及凡有題選字樣者。遇有題選缺出。准
與應升人員一體酌補。如堪勝題缺之任。即以
一人擬補。即積題升之缺毋庸擬陪。亦不得將此項人
員揀選擬陪。實缺人員。遇有題缺。仍應擬定正陪。保舉無
論咨留人員。遇咨選缺出。如無論題選咨留無
人。准其扣留補用。即積無論題選咨留班次。此兩項人員。如
遇留補選缺。仍按其所保遇缺儘先字樣。分別
歸於遇缺儘先班內。與同班人員。按奉

旨日期先後補用。奉

旨日期相同。即較俸次先後。俸次又同。即籤掣名次
序補。○又定。在部候補人員。保舉俟補缺後。以
本衙門何項官員升用補用者。俟得缺後。以得
缺之日。與同班由實缺人員保奏奉

旨之日。比較先後補用。○又定。各衙門奏留蒙古候

補人員。遇有本衙門蒙古應補缺出。與蒙古候

補人員。比較奏留日期先後補用。蒙古奏留資

深候補員外郎主事。遇有滿洲留補選缺。並准

其與滿洲人員。比較奏留日期先後借補。

蒙古候補

郎中。仍不准借滿洲題缺。及選缺中留題之缺。

仍不得將蒙古候補人員借補。○又定。各衙門蒙古候補人員。凡保舉無論滿蒙遇缺即補。及儘先即補。遇有滿洲留補之缺。或保舉無論滿蒙題選咨留字樣。遇有滿洲應題應補應咨之缺。均歸入滿洲班內。與滿洲人員比較班次。及奉

旨日期。俸次先後借補。○又定。各部現任蒙古保列一等之員。遇蒙古應升缺出。准其酌量升補。如遇滿洲應題及應行留題之缺。准其與滿洲一等人員一體酌量揀選。如將該員題補。由該堂

官奏明指名借題。毋庸擬定正陪。滿洲一等無人。即先儘蒙古一等人員借題。不得將滿洲二等人員題升。至各衙門有一等之蒙古現任筆帖式。准該堂官奏留。遇滿洲應留選缺主事缺出。與滿洲候補人員比較奏留。日期先後借補。○又定。凡蒙古准其借補滿缺人員。無論其何項班次。及何項缺分。合併計算。統計郎中員外郎。各准其借補一缺。主事准其遞借二缺。均俟有本缺。即行調還。未經調還以前。不准再行借補。如主事二缺內。業已調還一缺。遇有缺出。仍

准再借一缺。惟蒙古一等人員。無論勞績人員。上次曾否借題。仍准借題一次。未經調還以前。再遇滿洲題缺。如滿洲一等無人。即由滿洲二等內揀選。亦不得以蒙古一等人員。再行借題。○又定。理藩院蒙古員外郎。遇應行咨選缺出。如病痊坐補。及

特旨指明。以理藩院員外郎即用補用之員。並年滿游牧司員。三項有人。即行截留歸選。照雙單月選法定例銓補。不積留補班次。仍積咨選之缺。該院雖有候補人員。不准扣留請補。如有不積

缺之員。仍准留補。○又定。各衙門應補題缺人
員。在本衙門實歷俸三年者。仍准題升。如由捐
納議敘。並勞績初任試俸未滿人員。咨部查覈。
即行咨駁。其已滿三年。或未滿三年。先行捐免
而試俸均未題銷者。一併議駁。○又定。六部蒙
古郎中員外郎。理藩院蒙古選缺郎中。太僕寺
滿蒙員外郎。皆係選缺。准其儘數留補。如有病
痊坐補。及

特旨指明以何衙門郎中員外郎即用補用之員。兩
項有人。即行截留歸選。不准扣留留補用。如有不
缺之

員仍准扣 俟前項無人。本衙門如有候補人員。

仍准儘數留補。○又定議敘理藩院蒙古額外主事。其例補選缺之員。如因補缺無期。准該堂官奏明。遇應題主事缺出。與應題人員一體揀選題補。奉

旨允准者。即咨吏部註冊查照辦理。○又定各衙門應題及應行留題缺出。揀選應升時。擬定正陪。聲明京察等第。至擬補題缺。及應留選缺。均將擬補人員咨部查覈。並知照各科道。以便稽查。惟應留選缺。務於每月三十日截缺前扣留。如

逾截缺之期。即將員缺歸選。不准復行扣留請補。並不積留咨之缺。○又定。各衙門應題缺出。如應升人員內。均出各處稅差。例不保題。止有一員在署當差。即以一人擬補。由該堂官於摺內聲明。○又定。出差例不保題人員。差滿回署。遇應題缺出在先。或與回署同日。仍不准保題。另揀合例之員題升。○又定。奉

特旨分部即用即補人員。俟二年期滿奏留後。遇留補缺出。先儘補用。毋庸歸入資深班內。與資深人員比較奏留先後。不積勞績資深班次。仍積

留補之缺。未經奏留以前。照例銓選。其奉

旨指明以何衙門補用。即用人員。毋庸奏留。遇應留選缺。准該堂官儘先奏補。不積勞績資深班次。仍積留補之缺。遇選缺亦准照例銓選。至奉

旨分部學習以何官用。及自行呈請分部者。奏留後。仍與資深人員比較奏留日期先後。俟補。○又定。刑部候補主事。提牢年滿。照漢提牢之例。題選通補。遇應題及留題缺出。均准先儘題補。遇應留缺出。如與

特旨指明以何衙門即用。即補人員同時到班。應比

較先後補用。如有保舉無論題選咨留人員亦
俟

特旨即用即補及提牢年滿無人後按班補用。○又
定蒙古實缺候補主事提牢年滿奏明借補滿
洲題缺者遇蒙古應升應補缺出先儘升補遇
滿洲應題及留題之缺亦准題補員外郎准借
一缺主事遞借二缺俟有本缺即行調還借補
之員均積題咨之缺如期滿時並未奏明升補
滿缺者不准借補。○又定調庫司員奏請仍回
原衙門行走或以何項官員降補與由部屬升

補京堂科道奉

旨仍回本任。均先在原衙門行走。俟有應留選缺。先儘補用。仍積留補之缺。不積勞績資深班次。如遇題缺。仍由該堂官察看才具。可否辦理。○又定。捐納分部人員。中式進士。奉

旨。以本衙門員缺。即補者。歸資深先班內。輪用資深時。先補用一人。不積資深之缺。○又定。刑部選缺。郎中員外郎。均照各部之例。改六缺為一周。主事內已改設題缺。並選缺主事。亦照各部之例。改為留補四次。至第五缺歸部銓選。○又定。

奉

旨指明以何衙門何官即用補用之員。遇留補咨選之缺。先儘補選。不歸酌量。亦不兼補題缺。又各衙門題缺。係歸酌量。留補之缺。係按班序補。無選缺歸酌量班次。至現任人員。奏請留部補用者。遇留補之缺。應按班序補。亦不歸酌量。○又定滿洲蒙古主事。咨留缺數。業已歸併各衙門留缺條內。嗣後毋庸截留歸選。

部院宗室司員借補滿缺。○光緒十年奏定。各衙門宗室現任。及分部學習司員。如有才具出

衆在署已過三年者。不必咨查宗人府。該員俸次。即准該堂官破格保奏。遇有滿洲留補缺出。與滿洲人員比較奏留日期先後借補。毋庸調還。如係行走勤慎。辦事諳練。該堂官豫行奏留者。先行咨查宗人府。該員俸次。是否將屆到班。應否准其奏留。俟宗人府覆准後。方准奏留補用。遇滿洲應留選缺。准其與滿洲人員比較奏留日期先後。員外郎主事。各准借補一缺。俟本缺出時。咨查宗人府。如係俸深到班。即行調還。遺缺即歸滿洲序補。如尚未頂選。所出之缺。仍

歸宗人府辦理。不得將該員調還。未調還本缺以前。雖有宗室人員奏留在先。不准再行借補。亦不准與現任宗室人員一體選升。惟奏留候補郎中。遇滿洲應留選缺。亦准一體借補。借補後。准與理事官部院郎中一體升用。毋庸調還。至宗室人員。保奏奉

旨。准其借補滿缺。如因得有勞績。保奏者。借補後。遇有本缺。毋庸調還。如非有勞績。借補後。遇有本缺。咨查宗人府。即行調還。以上保奏借補滿缺人員。無論是否得有勞績。按其所保班次。遇滿

洲應留選缺。與滿洲勞績人員。比較班次。及奉旨日期。俸次先後。無論借補。應行調還。及毋庸調還。均一併計算。郎中員外郎主事。各准借補一缺。郎中均毋庸調還。其借補員外郎主事。應行調還之員。未經調還。及借補毋庸調還之郎中員外郎主事。尚未出缺以前。再遇滿缺。雖有宗室人員。保舉在先。不得再行借補。如保以滿缺。無論題選咨留。及無論題選。無論咨留。補用。止准照所保班次。以留補咨選滿缺。按班借補。不准借補額題留題之缺。

保舉分部人員分別應否學習。○光緒十年定。各衙門滿蒙初任額外及捐納例應學習人員。未經期滿之先。保加班次。及保舉以升階補用者。俟扣滿學習年分後。方准按班序補。其由實缺保舉以升階分部學習。並候選人員保舉分部以原官補用。或候選缺後以升階補用。分部以升階補用。均以到部之日起。扣滿學習三年。方准按班補用。其由現任實缺。並學習業經期滿候補。及曾任實缺緣事降革。嗣經開復。捐復降捐。及捐升保升在部候選各員。保以何項官

階補用。或免補免選。分部以升階補用。均以奉

旨並分發到部之日。按班補用。毋庸另扣學習年分。

在部人員保加班次。或以升階補用。以奉旨日期及俸次比較先後補用。分部人員以到

部之日。比較先後補用。如遇應補缺出日期與奉旨及到部並期滿同日。即行扣除。不准

補至應扣學習人員。無論何項勞績。概不准保

免學習。如保舉免其試俸者。亦俟補缺後免其

試俸。

留館開缺。○雍正十三年議准。各部司官筆帖

式。奏明留館辦事者。其員缺歸部別選。各照原

銜食俸升轉。俟該館告成時。各回原銜門於額

外辦事。遇有原衙門應補之缺。即行坐補。○乾隆三年奏准。凡有奉

特旨升用人員。該館仍留在館行走者。由部奏

聞請

旨。○嘉慶四年奏准。恭修

高宗純皇帝實錄。所有應用纂修收掌各官。由內閣翰林衙門人員充補。俱不開缺。由六部各衙門八旗。如係現任。即開本衙門之缺。但現在各館行走之員。多有仍兼本衙門差使。此項人員。仍令其兼攝行走。毋庸開缺另選。其應升應轉。及遇

京察之年。俱由本衙門出具考語保送。此次

實錄館辦事各部司員筆帖式。俱歸部另選。各照原衙

食俸升轉。俟該館告成時。各回原衙門。於額外

辦事。遇有原衙門應補缺出。即行坐補。如奏明

攝行走者。毋庸開缺另選。其應升應轉。如有奉

旨。特旨升用人員。該館仍留在館行走者。吏部具奏請

旨。

議官掣籤。○雍正三年覆准。凡奉

旨即用。及扣除別補迴避人員。無論雙單月。不入班

次。即行選用。捐納議敘人員。較日期先後補用。

降調候補開復人員。較文到先後補用。如議敘人員同日奉

旨。捐納人員同日到部。有俸者論俸之淺深。食俸相同者論資之先後。如捐納議敘人員。註有即用字樣。雖係同日同俸。准以本班先用。○又覆准郎中以下等官。每月於三十日截限。初一日至初三日司議。初四日堂議。初五日傳齊各官到部。將籤封固。公同掣籤。其十二月正月封印前後所出之缺。均於二月初五日掣籤。仍按雙單月升選。出差外任者。堂官代掣。掣籤之後。現任

者咨取本衙門堂官考語。現任及候補者咨取各旗。查明該員本身及祖父。有無拖欠錢糧。覆齊後引。

見其部院堂官出具考語。有辭語含糊。與例不合者。即行文該衙門更改。至外任官員掣籤後。行文該管官。出具考語。給咨該員赴部。附於每月月選官後。補行引。

見出差患病者。差滿病痊之日。亦附於每月月選官後。補行引。

見○乾隆五十八年奏准。滿官筆帖式等。得缺引。

見奉

旨扣除人員。再遇指缺時。將應否指缺引

見之處。先行奏明請

旨。○又奏准。各省理事同知通判推升京職者。照漢官之例。該督撫接准部咨之後。即嚴飭交代清楚。給咨勒限赴部引

見。不得逾半年之限。如理事同知通判管理州縣。正印官有倉庫錢糧地方之責。交代例有定限。令督撫嚴飭該員上緊趕辦。交代清楚。出考給咨。儻有一時遽難更易生手。該督撫於兩月內。據

實奏明何項差務。必須該員辦理之處。吏部再行開缺。如止係理事同知通判。政務較簡。職非綦重。概不得藉詞遷延逗遛。如有逾半年之限者。分別查明。或本員遲誤。或督撫給咨羈延。均照例議處。○嘉慶十一年奏准。應升主事之各項滿洲蒙古漢軍小京官及筆帖式。如遇京察月分。該員已保列一等。又經本衙門保題合例。應升主事。俟京察引。

見後。再將該員保題升任之處。由各該衙門自行帶領引。

見補授其前任所得一等。照卓異之例。准其於原任內加一級。○又定。得缺各員。現任者。咨取本衙門堂官考語。現任及候補候選者。並咨行各該旗。查明該員有無親喪事故。並本身及祖父有無拖欠。於三日內覆齊。以便掣籤帶領引

見。如不能依限咨覆。即令該佐領先行出具圖結聲明。儻有遺漏遲延。與旗咨不符。有誤升遷者。將出具保片之佐領。咨兵部議處。○十九年定。在京各官。遇京察之年。除四五品京堂以上。並翰林學士等官。如有應升缺出。仍照常開列具題。

升轉外。其餘引

見升補。及應歸月選人員。俱題明停其升補。俟出榜後。仍按各月所出之缺升補。如掣籤後。或部院保題。或引

見扣除者。員缺歸下月升選。○道光二十年奏定。在京各官。籤掣得缺時。業由本衙門保題升用。其所遺之缺。仍歸原月分補行議官。將其次之人議用。至引

見扣除者。員缺仍歸下月升選。○光緒十年定。現任

盛京吉林黑龍江司員小京官筆帖式並各省理事同知通判筆帖式等外任各員。遇調補京缺及推升京外各缺。籤掣後吏部行文該管官出具考語。給咨該員赴部。附於每月月選官後補行引。

見

清漢字分缺。○順治初年定。滿洲員外郎以上及司主事小京官等員缺升選各官。均不分清漢字樣通行補用。堂主事翰林院典簿等員缺。均按清漢字樣分別補用。○雍正十二年奏准。

六部漢字堂主事。不論雙單月。將由科甲出身人員。升用五人後。將繕譯舉人出身之小京官筆帖式。論俸升用一人。單月有缺。其科甲出身之降調人員。亦准其一例補用。○乾隆三十年奏准。滿洲郎中以下及小京官等缺。升遷各官。俱不分何項出身。一體銓補。其六部滿洲員外郎內。各定一缺。將由科甲出身人員。按月分班選用。○嘉慶十七年奏准。由科甲出身。經各館議敘。以漢字堂主事本班先選者。先用正班應升一人。次用議敘先用一人。分缺間用。○十八

年奏准各部奏留補用之庶吉士。文進士。繙譯進士等項。均專以司主事題選之缺通補。不准奏補漢字堂主事。○十九年定。各部漢字堂主事。如遇俸次將升。經該衙門豫行奏留者。俟有本衙門科甲員外郎缺出。准其升補。其餘各項額外員外郎。即有科甲出身者。概不准奏補。○道光三年奏准。由科甲出身。議敘以漢字堂主事本班先選者。惟議敘有先用實錄館班次。先用正班應升一人。次用議敘先用一人。分缺間用。至議敘俸深一人之後。選用人員。各館議敘止有奉俸深後選用班。如奉

旨日期。在本班先選人員之前者。用正班應升一人。
議敘本班先選一人。再用正班應升一人。後用
議敘俸深一人之後。選用者一人。如議敘本班
先選無人。仍俟正班應升一人之後。選用一人。
其議敘俸深後用人員。奉

旨日期。在本班先選人員之後。或同日奉

旨。均俟本班先選人員按班用完後。再將議敘俸深
一人之後。選用人員。按班選用。○四年奏定。繙
譯進士出身之小京官筆帖式。准其與繙譯舉
人一體。俟科甲出身人員升用五缺之後。論俸

升用。

科甲出身知縣改補。○乾隆八年議准。滿洲科目人員。已就知縣各官。有自揣不勝民牧之任。情願補用小京官者。准其於臨選時呈明改補。光緒十年改定。准其俟截取後呈明改補。不論雙單月。遇有國子監監丞等十三缺出。通較奉

旨日期。與現在應選文舉人等。輪流間用。其不自度量。必欲銓選知縣等官。及到任後不能勝任者。該督撫即分別題參。如果有不宜外任。為人實係謹慎。才尚可用者。該督撫將應否改補小京

官之處具本聲明送部引

見恭候

欽定。○嘉慶六年議准滿洲蒙古進士舉人繙譯進士於會試三科後由該旗驗看咨部投供以知縣小京官二項按名次先後銓選如有自揣不宜民社情願改補小京官者不論雙單月遇有科甲小京官缺出照改補日期先儘補用如改補無人將滿洲蒙古進士舉人繙譯進士各按科第名次輪流間用至銓選知縣後如有不宜外任經該督撫將應否改補小京官之處聲明

送部引

見如奉

旨准其改補。與應選文舉人分缺間用。○十七年奏定。各衙門漢字堂主事。額缺無多。且係應由科甲並繙譯舉人出身之小京官筆帖式。論俸升用。若議敘人員。准其遇缺先用。則論俸應升者。竟被積壓。嗣後此項議敘以堂主事本班先用人員。應俟論俸應升人員升用一人後。再將議敘人員銓補一人。分缺補用。

欽定大清會典事例卷三十五

吏部

滿洲銓選

官員迴避

旗員終養

官員迴避○康熙三年題准各部院尚書以下筆帖式以上祖孫父子親伯叔兄弟若同一衙門令官小者迴避○十年議准同衙門補授同官應迴避者將後補之人迴避○乾隆十四年奏准旗員月選如有應迴避者掣籤後呈明即准迴避以別缺掣補如有一人一缺應迴避者扣除歸下月銓選仍行文該旗取具本旗都統

印結送部存案。如係應升應選者。照例以迴避日期較各項年滿即用日期先後銓選。其外任年滿並各項即用迴避人員。補用時。仍較從前年滿即用日期先後補用。○十六年題准。滿洲聚處京城。而支分派遠。旗分各異者。亦與漢人之散居各處者無異。嗣後滿員雖係同住京城。而旗分各別。又出五服之外。即照漢員支分派遠。各省各府毋庸迴避之例。毋庸迴避。○十八年奏准。繕書房筆帖式十員。由戶刑二部各撥五人。令專在繕書房行走。一應京察保送。由繕

書房大臣甄別與戶刑二部原無關礙與同一
衙門行走者有閒毋庸迴避○又奏准各衙門
出差人員有適遇祖孫父子親伯叔兄弟升至
同衙門者向來皆應迴避惟出差之員既未在
衙門行走俟差滿回京之日再行迴避○三十
年奏准凡

陵寢

盛京現任官員應迴避者未經三年期滿以京外
之缺令其統補如補授外缺仍自到任之日起
另扣三年咨部調京已滿三年出咨候調之員

該管官聲明緣由。給咨到部。仍按年滿日期。以京缺調補。停其補用外缺。○三十七年奏准筆帖式有親伯叔兄弟補放同衙門司官。非一司之缺。停其迴避。若係一司之缺。亦停其迴避。另行調司行走。如同係筆帖式。毋庸互相迴避。○四十二年覆准。

陵寢贊禮讀祝等官。專司唱贊。非辦理案件之司員可比。遇有祖孫父子親伯叔兄弟及翁壻甥舅同衙門者。毋庸迴避。○四十三年。

諭在京各部院堂司等官。雖非外任上司屬員可比。亦

有管轄考覈之責。而外姻親屬中如翁壻甥舅之類。戚誼最為親近。概不迴避。究未妥協。著該部另行妥議具奏。欽此。遵。

旨議定。嗣後京官外姻親屬中母之父及兄弟妻之父及兄弟己之女壻嫡甥俱分屬至親。若在同衙門。令官小者迴避。其同衙門同官者。令後進者迴避。○又奏准理藩院蒙古章京筆帖式等官。照舊毋庸迴避。其滿洲章京筆帖式內應行迴避者。俱照新例令其迴避。○四十四年奏准盛京本處司員。向止補禮兵二部之缺。若二部均

有迴避。便無缺可補。嗣後照理藩院蒙古司員之例。凡祖孫父子親伯叔兄弟。並外姻中翁壻甥舅。同一衙門。均毋庸迴避。○五十八年奏准。外姻親屬中。母之父及兄弟。妻之父及兄弟。有為堂官者。仍令官小者迴避。若同係司員。免其迴避。再祖孫父子迴避。名分攸關。如係堂官。概令司員以下迴避。如係同官。及品秩或稍有大小。雖其祖父係後至。及官小者。概令其子孫迴避。○嘉慶十年定。迴避人員。如有親老者。例應以京缺補用。如遇調京人員。同月歸選。令其列

於調京人員之先。以京缺坐補。如迴避人員。並
無親老者。仍先儘調京。次用迴避。○十七年奏
准。部院尚書以下。司員小京官以上。嫡親伯叔
兄弟。若在同衙門。令官小者迴避。同衙門補授
同官者。令後補之員迴避。至祖孫父子。應行迴
避。除分係堂司。概令司員以下迴避。外。如係同
官。及品秩或稍有大小。雖其祖父係後至。及官
小者。均令其子孫迴避。外姻親屬中。母之父。及
兄弟。妻之父。及兄弟。己之女。婿。嫡甥。有為堂官
者。亦令官小者迴避。

其由御史迴避。春以郎中
用。由孤缺人員迴避。春以

對品別缺補用無對品之缺者降品補用仍食
原俸升轉至部院宗室司員照部院迴避之例
辦理歸於宗人若同係司員免其迴避此及外宗
府另行銓選
屬中妻之姊妹夫本身兒女姻親中凡應行迴
避兄和子婦之親兄弟概不迴避
避各官初五日掣籤時呈明准其迴避以別缺
掣補出差人員有升至同衙門者俟差竣之日
再行迴避

陵寢現任司員未滿六年

盛京現任官員未滿三年均以京外之缺令其統
補如補授外缺仍以到任之日起另扣三年六
年咨部調京如已滿年限出咨候補之員該管

官聲明緣由給咨到部。仍按年滿日期以京缺調補。停其補用外缺。以上迴避官員。仍行文該旗。取具本旗都統印結送部備案。如有捏飾情弊。照例議處。至內閣中書。係專由考取補用之員。理藩院蒙古司員。係專升本院之缺。

盛京本處司員。係專補本處之缺。各處贊禮郎讀祝等官。係專司唱贊。並非辦事司員。可比如如有嫡親祖孫父子伯叔兄弟及翁壻甥舅同在一衙門者。概令毋庸迴避。其例不迴避之員。有經該堂官奏請迴避如奉

旨交部者。吏部仍照例議駁。如奉

旨依議者。照依所奏。令其迴避。以別衙門之缺。調補。再各衙門署任各堂官。如本任之員。身在外任。暫無回任期限。奉

旨長署者。仍令司員筆帖式等迴避。其有本任隨園出差等項事故。奉

旨暫行派署者。司員筆帖式等。概令毋庸迴避。○又定。國子監蒙古司業。

盛京刑部蒙古主事。理藩院司庫。

盛京刑工二部司庫。及倉場總督步軍統領各衙

門筆帖式等缺。應揀人員。人數較多。如與

欽派大臣內有祖孫父子伯叔兄弟母之父及兄弟妻之父及兄弟己之女壻嫡甥。應令官小者於臨揀時呈明扣除。至六部理藩院漢軍堂主事。太常寺司庫。

盛京戶部司庫。先儘京察一等人員。人數較少。如有應行迴避者。令

派出之大員自行迴避。由不迴避之大員揀選。僅有徇隱。照例議處。又定。

盛京五部司員。如堂司各官內有例應迴避者。仍

照例呈明迴避改補外其銓補

盛京各部司員有與該堂官係本宗功服以外及
外姻遠親並非例應迴避者到任後由該堂官
咨明吏部以

盛京別部司員改掣對調後再行具題如輪選時
該員自行呈明或同係司員者均不准○道光
四年定在京各衙門例不迴避之員該堂官奏
請迴避如奉

旨依議者照所奏令其迴避與在京現任司員迴避
者均專以京缺按班銓補並以應得衙門先行

陵寢

籤掣行走。仍照親老回京之例。准該衙門奏留補用。不准奏請與現任人員籤掣對調。○又定。

陵寢

盛京現任官員。未滿年限。適遇迴避。仍以

盛京之缺補用。其所歷年限。前後接算。扣滿照例以京缺調補。已滿年限者。仍由該堂官聲明咨部調京。○又定。各部院司員小京官筆帖式。如有特用人員。原應在旗候選者。先行呈請分部行走。如所分衙門。有應迴避之處。暫令毋庸迴避。俟選

補實缺。再行照例辦理。其各項暫行分部。或暫在原衙門行走人員。如丁憂未經查辦。先在原衙門行走。或分部行走之類。亦暫令毋庸迴避。統俟專以本衙門缺分補用之時。即行迴避。其餘各項分部候補之員。均照實缺之例迴避。○六年奏准。滿洲應行迴避各官。於掣籤前一日。赴部呈明。即令迴避。以別缺掣補。如遲至掣籤日始行呈明。除照迴避定例辦理外。將該員照迴避遲延例議處。○又奏准。各部院司員小京官筆帖式。有特用人員。先行呈請分部行走。並各項暫行分部。或

暫在原衙門行走。以及各項分部候補之員。有應行迴避者。亦令該員於掣籤前一日。赴部呈明。均照實缺例迴避。○十七年奏定。

盛京司員。業經年滿指缺調補。呈明迴避之員。遇有在別衙門缺出。列於調京人員之先坐補。並照例先行分部行走。其

陵寢年滿調補司員。有似此迴避者。亦一律辦理。○二十三年定。察哈爾游牧司員。歷任未滿五年。有與該都統應行迴避者。飭令回京。仍照游牧司員升轉本例。以應調之衙門。先行掣分行走。接算前俸。扣

足五年。由該衙門咨部註冊。列入調京人員內。按
期滿日期先後。無論保題升選。二缺之後選用。
又定。在京各衙門司員。未經選授得缺。並先行
籤分各部院行走。未經奏留補缺之先。有經該
原衙門堂官。以無可迴避。奏請仍歸原衙門行
走者。即准其奏留。至業經改選改補者。均須查
其選補時。該迴避之堂官。曾否離任。如該堂官
離任。在該員得缺之後。仍應議准。如迴避之堂
官。早經離任。該原衙門並未奏留。迨臨選到班。
或選授得缺。或由掣分衙門奏留補缺者。如奉

旨交部。即照例議駁。其奉

旨允准者。仍將其不合例緣由奏明。可否准其奏留之處。恭候

欽定。○光緒六年奏准。查旗御史。係該旗都統副都統子壻及遠房族姪。比照查倉科道。與該監督同旗以及外姻內親者。照例迴避。請

旨更調。○七年定。實缺迴避人員。經原衙門以無可迴避。奏請調回原衙門行走者。如原係題選統補之員。遇題選各缺。均准先儘補用。如原係專補選缺之員。仍專以選缺先儘補用。不得兼

補題缺。如與無論題選咨留。及無論咨留人員。同時到班。仍先儘迴避奏調回部人員補用。均不積各項班次。不及咨留之缺。○十年定。各項分部人員。有因迴避籤分各衙門行走者。俟到署後。候補人員。仍以從前保奏及奏留各日期。比較先後補用。學習人員。以從前行走日期。前後接算。甄別奏留補用。如於補缺奏留之前。經該原衙門堂官。以無可迴避。奏請仍歸原衙門行走者。准其奏留。仍歸原班補用。○又定。各官迴避原例內。作嫡親伯叔兄弟之處。嗣後改為

胞伯叔胞兄弟。○又定。

陵寢各部司員。與該管大臣有應行迴避者。即行呈明。由該大臣咨明吏部。如係

東陵司員。以

西陵司員之缺籤掣對調。係

西陵司員。以

東陵司員之缺籤掣對調。若同係司員。以本處各

陵司員之缺籤調。統俟籤掣後。再行具題調補。○又定。

新疆各城章京。有同城服官。例應迴避者。如係本處之員。令該處大臣照例咨部。以別城現任

章京對調。其由京派往之員。與該處大臣。及同城章京。內有應迴避者。亦由該大臣照例咨部。以別城章京對調。如應行迴避各員。隱匿不報。別經查出。從嚴議處。

旗員終養。○乾隆九年

諭。向例官員告終養者。俟養親事畢。方得補缺。但旗人回京。與漢官回籍不同。或在旗在部。皆可補用。以供驅策。朕思旗員有老親在堂。銓選赴任。二三年內。即請終養。若臨選之時。令其自揣。難以久任。即將親老緣由。向部具呈轉奏。不必補用外缺。恐因此或生趨

避之端。其如何定例之處。該部妥議具奏。欽此。遵旨議定。旗員補用外任。如

陵寢及東三省官員筆帖式。各省駐防將軍。城守尉。督撫。隨印筆帖式。雖係外任。究非地方有司可比。有告請歸旗終養者。仍照舊例辦理。毋庸再議。外。其滿洲蒙古現任藩臬道府同知通判州縣。及滿洲蒙古理事同知通判等官。如遇祖父母。父母年老。例得終養者。照例具呈該管上司。出具切實考語。題奏到日。由部咨查該旗。出具確實印結到部。令其回京。各該處引

見請

旨遵行。至漢軍外任官員。從前告請終養者。均照漢人之例辦理。但漢軍與滿洲蒙古。均係旗人。在旗在部。均可補用。原與漢人不同。嗣後漢軍外任各官告請終養者。亦照此例。令其回京。各該處引

見請

旨。凡滿洲蒙古漢軍告終養外任各官引

見時除奉

旨。以旗員補用者。聽各該旗辦理。並奉

旨指名以何部何官即用者。照例補用外。如奉

旨以部員改補者。即按照品級改補。如藩臬均係大員。例應改補京堂。照例與應升人員開列具題請

旨。如係道府。例以各部郎中員外郎補用。理事同知通判及地方同知。例以主事補用。知州與地方通判。例以七品小京官補用。知縣一項。因養親以京官補用者。仍以科甲小京官改補。漢軍知縣。因養親以京官用者。以各部院衙門漢軍七品筆帖式改補。其應改補小京官以上人員。均

於雙月升選五人後選用一人其漢軍知縣改補筆帖式者入於各本旗應用筆帖式人員內無論是否積算補用五人後選用一人至現任京職應升應選外任各官如有親老在堂二三年即屆終養之期者由部於該員將及應用之時每項按人數多寡截取數員咨查該旗令其自揣如有親年衰老難以久任情願終養者即於該旗呈明取具確實印結咨部轉奏停其補用外任仍在現任京職行走再滿洲蒙古漢軍候選外任者止有進士舉人之筆帖式並閒散

進士舉人應選知縣一項。其滿洲蒙古候選知縣人員告終養者。如係現任之員。仍令現任上行走。係閒散科甲候選知縣者。以應用科甲小京官。照科分名次補用。漢軍候選之間散進士舉人。告請終養。在京無應用之官。即照現任知縣告請終養之例。以七品筆帖式補用。此等候選人員。亦於將屆選用之前。每項截取數員。咨查該旗。如有親老情願終養者。呈明該旗。照例取結報部註冊。停其銓選外任。此等外任改補及候選改補京官。與現任停其升選外任各員。

如於養親之際。遇在京有應升之缺。仍與京官一同較俸升轉。再養親無一定年限。至應補之日。補用外官不免有衰老之人。各該堂官於各員起復之時。查明該員年力並非衰老。咨部仍以應得外任補用。如有實在年力衰老者。停其補用。外任仍令在京職上行走。再此等人員在京養親之際。未經升任者。如係外任改補京職之人。遇有應得之缺。照丁憂起復之例補用。如係在京現任。及候選改補京職之人。歸於本班。遇有應得之缺。先儘選用。如養親之際。已經升

任者。照伊現任京官品級應用之外。任不論雙單月升補。選用五人之後。選用一人。以上各員。如有遴選引。

見者。亦照例與記名人員一同引。

見再州縣佐貳以及雜職漢軍人員。在京並無可補用之官。此等人員。無論現任及候補候選。如有告終養者。均毋庸題奏。移咨到部。轉咨該旗。遇有應行揀補差使之處。如有情願充補者。即予充補。俟該員應補之日。仍以各應得外任歸本班。先儘選用。至漢軍捐納各項人員。如有因親

老告終養者。俟應補之日。仍歸原班選用。再服滿候補。開復赴補。並由現任降補各官。有親老請終養者。即令該員於起文赴補之時。呈明該旗取結報部。停其補用外任。令各該處照現任外官終養之例。將該員引

見請

旨如蒙

恩以京官補用。亦照伊品級以京官補用。至一應升轉與應補之日。補用外任之處。均照現任外任改補人員之例辦理。此等呈報終養各官。如咨

查時並不豫行呈明。及赴任後二三年內復請終養者。概不准行。儻有假捏事故。浮開年歲。藉端規避等情。一經發覺。將該員及出結各官。照例議處。○四十二年

諭。嗣後旗人終養之例著停止。其有親老情願回京者。准其具呈督撫奏明送部引見。文員以部屬用。武員或用侍衛。或用旗員。候朕酌量降旨。○又

諭。嗣後各旗文武官員。如有父母年至七十五歲以上者。均不准保送外任。○又奏准旗員親老改補京職人員。道員以郎中用。知府以員外郎用。同知直

隸州知州知州以主事用。通判統以小京官用。母庸分別品級。州同知縣不論何項出身。專以七品筆帖式用。知縣以下佐雜等員。按其出身。以八九品筆帖式用。未經得缺以前。先令掣籤。分派各衙門行走。仍照例按班銓選。至候補候選人員。除漢軍選用教職。係在直隸奉天。母庸辦理外。其候選知縣之間。散進士舉人。係應用科甲小京官。照依科分名次補用。餘者到班時。各按品級。以京員改補。改補人員。均歸入月分。專以在京衙門員缺。先儘補用。改補之員。如遇

盛京

陵寢等缺。山海關。

光緒十年裁缺。

張家口。殺虎口。牛馬稅差。及

筆帖式應用之各督撫衙門。直隸防守尉衙門。俱不准其保送升選。俟終養事畢。應外任時。仍照例歸於原班銓選。改補各員。俱於現任內停其升選外缺。如遇在京應升缺出。仍與京員一體較俸升轉。將來終養事畢。應補之日。停其補用外缺。如未經升任。仍歸原班銓選。其有改補之後。升選到班時。適值外缺扣除。歸入即用班內。以京官坐補。仍先儘丁憂服滿之人。至筆帖

式係按旗補用。親老之員。遇外缺扣除。其次者亦係親老。另將其次無親老之人銓補。毋庸過班。仍令其在原班候補京缺。○嘉慶四年奏准。陵寢贊禮郎讀祝官。因親老來京。即令在太常寺贊禮讀祝等官上行走。俟終養事畢。令其仍回原處。遇有

陵寢贊禮郎讀祝官缺出。即行咨補。如果有禮儀嫻熟。唱贊合宜者。太常寺具奏帶領引

見。或留該寺。或仍以

陵寢員缺補用。恭候

欽定。○五年奏准。八旗候補候選及捐納外任官員。父母年至七十五歲以上。家有兄弟侍養者。不必概令改補京職。○十年

諭。旗員終養之例。久經停止。如果在外服官年久。因親老呈請回旗。亦所不禁。若不定以限制。恐該員等或於到任後。見缺分平常。希圖規避。或與上司有意見不合之處。藉詞引退。或因囊橐已飽。冀得歸家安享。託詞親老。懇辭回京。種種情偽。亦不可不防其漸。嗣後旗員如果有親老已逾七十。家無次子。及其親年未合例。素有疾病者。均於在京補放時。即行呈明。留

京當差。儻於到任後一二年間。遽行呈請回京者。俱不准行。著為令。○十一年奏准。嗣後外任旗員。有因親老改補京職者。除改補後又經升轉毋庸查辦外。其未經升轉人員。至養親事畢。照丁憂回旗之例。於每年十月查辦帶領引

見一次恭候

欽定。分別內用外用。○十八年定。現任

陵寢

盛京司員筆帖式。如屆親年七十四歲。即令該員等呈明該管官。於年內咨部註冊。如係司員。吏

部歸於次年正月三十日開缺。筆帖式於正月十五日開缺。本員照例以京職改補。儻截缺後該管官始行咨部。或本員呈報遲延者。除員缺仍按咨到日期開選外。將遲延職名分別議處。至升選

陵寢

盛京等處之時。該員親年已及七十四歲者。由該旗於臨選時。即行咨部註冊。歸於次年開缺改補。○二十一年定。八旗駐防旗員。在京供職。因親老呈請回駐防養親者。該堂官奏明開缺。俟

養親事畢。百日孝滿。由該管官給咨赴部。仍回原衙門行走。俟服滿後。遇有選缺。扣留補用。如該衙門有應歸部選之缺。亦准其歸於不論雙單月先儘補用。○二十三年奏准。旗員揀發各省委用。尚未補缺。有因親老呈請改補京職者。俟奏明奉

旨後。照現任品級。以京職對品改補。籤分各衙門行走。如果奮勉。由該堂官奏留。與各項候補人員比較。奏留日期先後補用。毋庸歸部銓選。如養親事畢。尚未升轉。仍赴揀發原省候補。○道光

二年奏准漢軍人員除選用教職係在直隸奉
天毋庸辦理外其現任人員自內閣侍讀以至
七八九品筆帖式係漢軍專缺者親年至七十
五歲均照旗員之例停其升選保送外缺其餘
京外大小各官並無漢軍專缺以及候補候選
人員俱照漢員改近之例辦理○四年定旗員
由捐納分發各省試用人員告請親老者照指
捐人員之例不准改用京職俟養親事畢仍赴
原省○又定旗員各省候補親老回京亦照實
缺人員親老回京之例未補缺以前毋庸給予

俸祿。○五年奏准。滿蒙外任佐雜等官。如遇祖
父母。父母。年逾七十五歲。情願回京者。即呈明
督撫咨部。回旗終養。由現任實缺人員終養。回
旗者。養親事畢。毋庸歸於十月查辦。由該旗起
文咨部。照漢軍人員之例。以原缺坐補。其題署
未經實授。及揀發分發。未經得缺。親老回旗之
員。養親事畢。亦照漢軍人員之例。出具圖結。赴
部呈請給照。仍赴原省。照例分別補用。○八年
奏定。滿蒙外任官員。丁憂回旗。百日孝滿。由該
旗帶領引。

見在原衙門行走。經十月查辦奉

旨記名外用。有因親老呈請留京供職者。照親老回京改補京職之例。按外任品級。以京職改補。籤分各衙門行走。毋庸給予俸祿。遇在京歸選缺出。先儘補用。將來養親事畢。如該員尚未升任。仍歸於應補原班銓選。○光緒五年奏准。各項升選人員。有因親老過班。如係在旗候選。未經分部行走之員。俟過班後。即赴部呈明。以應得部分。先行掣分行走。過班之員。如係現任。及本在部院行走。毋庸另行數。仍以京缺銓選。未得缺以前。毋庸給予俸祿。

學習三年果能才具出衆行走勤慎由該堂官酌量奏留歸入資深班內與各項奏留候補人員比較日期補用○十年定滿蒙現任京職有祖父母其父已故並無胞姪本員係嫡長孫應行承襲年至七十五歲者亦停其升選保送外缺其現任漢軍旗缺人員亦照此辦理○又定親老改補京職與丁憂服滿之人遇有京缺係先儘改補之員俟無人方以服滿之人銓選